

Ka Jingpynkylla Khasi ia ka Report jong ka Expert Group kaba la shna halor ka section 7(1) jong ka Right to Fair Compensation and Transparency in Land Acquisition, Rehabilitation and Resettlement Act, 2013. ha kaba iadei bad ka jingthmu shim jaka ka sorkar ban pynlong khlaw ha Nongumiang na ka bynta ka jaka khlaw kaba la duh noh da ka jingtih ia ka surok NH 44E –Shillong Nongstoin-Tura.

Ka Expert Group halor ka sub section (1) jong ka Section 7 jong ka Right to Fair Compensation and Transparency in Land Acquisition, Rehabilitation and Resettlement Act, 2013 ka kynthup ia kine ki dkhot kiba la thung da u Deputy Commissioner, West Khasi Hills District, Nongstoin lyngba ka Order No. NDR/LA-RF-1/2016/30 dated 9th June 2017 ban pynshongnia ia ka Social Impact Assessment Report bad ka Social Impact Management Plan kaba la submit da ka Meghalaya Institute of Governance (MIG) ha kaba iadei bad ka jingthmu shim jaka ka sorkar ban pynlong khlaw ha Nongumiang na ka bynta ka jingshna shurok National Highway (NH 44-E).

- (i) Extra Assistant Commissioner (Revenue) West Khasi Hills District, Nongstoin kum u Rehabilitation expert bad kum u Chairman jong ka Expert Group.
- (ii) Block Development Officer, Nongstoin C & RD Block -Rehabilitation Expert.
- (iii) Shri F. M. Wann, Asst. Conservator of Forest (Territorial) Khasi Hills Division, Shillong –Technical Expert on the subject matter.
- (iv) Shri. Rishan Sunn, Asst. Professor, Nongstoin College – Social Scientist.
- (v) Fr. James Syiemlieh, Director Nongstoin Social Service Society – Social scientist.
- (vi) Shri. Blassius Puwein, VEC member Nongumiang village –Local representative.
- (vii) Smti. Shaldaris Nongsiang, VEC member Nongumiang village – Local representative.

La pynlong ia ka meeting jong ka Expert Group ha ka 19th June 2017 ha ka por 12:00 mynsngi ha ka Kamra Ophis jong u Chairman bad la don lut baroh ki dkhot. Ia ka Social Impact Assessment Report bad ka Social Impact Management Plan kaba la submit da ka Meghalaya Institute of Governance (MIG) la pynpoi sha baroh ki dkhot da U Deputy Commissioner, West Khasi Hills District Nongstoin 10 sngi shwa ban long meeting da ka shithi Memo No. NDR/LA-RF-1/2016/30 dated 9th June 2017.

Ki mat ba la sot na ka SIA Report ki long kumne harum:-

- (i) Ka Meghalaya Institute of Governance (MIG), ka la dep leh ia ka jingpeitbniah ia ka jaka ba la thmu ban shim da ka sorkar ban pynlong khlaw kaba ka jingheh ka long 51.199 hectares ha ka shnong Nongumiang ban bujli ia ka jingduh ki khlaw ha kaba shna ia ka surok National Highway (NH 44E). La leh ia ka jingpeitbniah da kaba jurip ia ki nongshongshnong, ka jingnang jingstad, ka jingiasyllok ba markhmat bad ki trai shnong bad ki trai jaka. La pynlong ruh ia ka jingialang paitbah(public hearing) ha ka phyllaw jong ka Primary School ha Nongumiang ha ka 5th April 2017. Ki jinglap jong ka MIG ha kane ka jingleh ia ka social Impact Assessment ka long kumne harum:-

(A) SOCIAL IMPACT ASSESSMENT REPORT:-

- (i) La dei trai ia ka khyndew da I Bah Sailen Nongrum bad la dep registrer ha ka Nongstoin Syiemship ha ka jingkhmih jong ka KHADC. Kam shym hap ha kano kano ka jingiakajia pud bad no bad no.
- (ii) Ka jaka ka long kaba bniap. Ym shym la don kano kano ka jingtei jingshna bad ka jngai na ki jaka shong briew.
- (iii) Tang khyndiat na kane ka jaka la pyndonkam ha ka jingrep shyrti. Ym shym don ki dieng heh hapoh kane ka jaka lait noh tang ki dieng kiba rit ba ria.

- (iv) Ka jingshim jaka kan nym ktah ia u trai jaka, namar ba u Bah Sailen Nongrum u dang don shuh ka jaka kaba heh kumba 250 hectares kaba don markhap bad kane ka jaka ba la don jingthmu ban shim da ka sorkar.
- (v) Ki nongshongshnong lyngba ki adong shnong ki kyntu ban iada ia ki law adong na kaba pom dieng bad kiwei de ki kam kiba long beain.
- (vi) Ki nongshongshnong kim ju leh ia ka kam thungdieng ha ka shnong. Kumta ka jingwan jong kane ka jingpynlong khlaw ha ka shnong kan pynkhih ia ka jylli pyrkhath (awareness) ia ka jingdonkam ka jingpynneh pynsah ia ka mariang.
- (vii) Kane ka jingpynlong khlaw kan nym don jingktah ia ki nongshongshnong.
- (viii) Kane ka jingpynlong khlaw kan plie ia ki lad iohkam iohjam na ka bynta ki nongshongshnong ha ka por ba pyntrei ia kane ka projek.
- (ix) Kane ka jingpynlong khlaw kan kyntiew ia ka jingwanjngoh kai bad kan pynbha shuh shuh ia ka jinglong ka mariang ha ka jaka.

(B) SOCIAL IMPACT MANAGEMENT PLAN

- (i) Ka bor ba dei khmih ka dei ban shah ia ka jingrung jingmih jong ki nongshong shnong jong ka Nongumiang.
- (ii) Ban nym khang pyrshah ban pyndonkam ia ki jingmih na ka khlaw kum ki tit, ki kynja jhur khlaw, ki kynbat dawai, bad ki siej ban pyndonkam ha ki ing ki sem.
- (iii) Ban kiar na kaba thung ki jaid dieng nongwei (exotic) hynrei ban pynbun ia ki jaid dieng kiba ju san ha kine ki jaka (local)
- (iv) Lada don kino kino ki lad aikam ai jam, yn buh ha khmat ia ki nongshong shnong ha ka jingsdang pyntrei (kum ha kaba tih khyndew, ka jingthung ia ki dieng, ka jingsara ia ki dieng ba dang lung, bad kiwei de); ha ka por pyntrei kam (kum ka jingphikir ia ka jingim jong ki dieng, ka jing khyllad, bad kiwei de).
- (v) Lah ban ailad ia ki nongshong shnong ha kaba iada na ki jingwiang ding ia ka khlaw.
- (vi) Dei ban khang pyrshah ia ka jingpomdieng.

Ka Expert group haba pynshongnia na ka jinglap jong ka Meghalaya Institute of Governance ha ka Social Imnpact Assessment Report bad kumjuh ha ka Social Impact Management Plan (SIMP) ka la rai ban ai ia kine ki jingai jingmut harum, hadien ka jingiatai kaba bniah:-

1. Ka Social Impact Assessment Report bad ka Social Impact Management Plan la pynshongnia bad la peitbniah la lap ba ka long kaba iadei katkum ki jingthmu jong ka projek bad ka iaid katkum ka Right to Fair Compensation and Transparency in Land Acquisition, Rehabilitation and Resettlement Act, 2013.
2. Ka Expert Group ka la sngewdei ba ka jaka ia kaba la don jingthmu ban shim kaba ka jingheh ka long 51.199 hectares na ka bynta ban pynlong khlaw biang ka long kaba bit kaba biang na ka bynta katei ka jingthmu.
3. Ka Expert group ka la sngewdei ba ka jingthmu ban pynlong khlaw biang kan long ka jingmyntoi kaba khraw ym tang ia ka dong ka thain hynrei ia ka mariang sawdong sawkun baroh ha kaba kan iarap ban pynneh pynsah ia ka jing jyrngam bad da ka jingthungdieng

kan iarap ia ka jingkylla sted ka jinglong jong ka mariang bad ka jingtyngkai ia ka mariang hi.

4. Namar ba ka khyndew ka jngai na ka jaka shong briew, ka jingshim ia kane ka khyndew kan nym pynmih ia kaneo kano ka jingkyria jak a shong ia ki briew mynta ne hadien habud.
5. Ka jingshim khyndew kan nym ktah ia u trai Khyndew ha kano kano ka dur lane ia ki nongshong shnong namar ba ym don mano mano ba pyndonkam ia katei ka khyndew namar kadei ka khyndew shimet lait noh tang khyndiat na katei ka jaka ba la pyndonkam na ka bynta ka jingrep shyrti kaba shipor da ki nongshongshnong ha ka jingai jingbit u trai jaka.
6. Ka jingshim khyndew na ka bynta ka jingpynlong khlaw ka don ha syndah jong ka Law sorkar ba la don lypa, kane kan iarap ban pynneh pynsah ia ka mariang, bad kan kyntiew ia ki lad jngohkai pyrthei.
7. Ka jingshim khyndew na ka bynta ka jingpynlong khlaw kan plie ia ki lad ioh kam iohjam ia ki nongshongshnong kum ki nongbylla ha kane ka projek.
8. Kane ka projek kan lah ban pynmih ia ki Join Forest management Committee ki ban sumar ia ka jingsdang thung dieng ha kaba ki paidbah ruh kin don ka jingsngewtra i.
9. Kumba la kdew ha ka SIA Report bad ki dkhot jong ka Expert Group na ka shnong, ki nongshongshnong ki pdiang sngewbha ia kane ka jingtyrwa ia kane ka jingshim khyndew na ka bynta ka jingpynlong khlaw bad kam don kano kano ka jingpyrshah ha kaba leh ia ki jingjurip bad haduh mynta ruh.
10. Ka Expert Group ka sngewdei ba kane ka projek kan ai ia ka jingshakri ia ki paidbah bad kan don ka jingmyntoi ia ka imlang sahlang ha ka jylla hadien habud.

La pynwai ia ka meeting da ka jingai khublei na u chairman.

Sd/-
(Shri. S. Warjri, MCS)
Chairman
Expert Group

Sd/-
(Shri. V. Swer, MCS)
Block Development Officer
Nongstoin C & RD Block, Rehabilitation Expert.

Sd/-
(Shri. F.M Wann,)
Assistant Conservator of Forest (Territorial)
Khasi Hills Division
Technical Expert

Sd/-
(Shri. Rishan Sunn)
Assistant Professor, Nongstoin College
Social Scientist.

Sd/-
(Fr. James Syiemlieh)
Director,
Nongstoin Social Service
Social Scientist

Sd/-
(Shri. Blassius Puwein)
VEC Member Nongumiang village
Local representative

Sd/-
(Smti. Shaldaris Nognsiang)
VEC Member Nongumiang village
Local representative

1. The Secretary to the Executive Committee, Khasi Hills Autonomous District Council, Shillong; for information.
2. The Joint Secretary to the Govt of Meghalaya, Revenue and Disaster Management Department, Shillong; for information
3. The Block Development Officer, Nongstoin C& RD Block, Nongstoin; for information and to put in the office Notice board.
4. Headman of Nongumiang village for wide information of the Public.
5. The District Informatic Officer, Nongstoin along with soft copy of the translated report of theExpert Group with a request to upload in the Office website.

(Arunkumar Kembhavi)
Deputy Commissioner
West Khasi Hills District,
Nongstoin